

隨園續同人集

新式
標點
足本
隨園全集

杜就田署



隨園續同人集序

冒巢民先生有同人集十二卷，序曰：「海內才人，同聲相應。當其始也，視爲易得，而棄置焉。及時移事易，其人已往，則雪泥鴻爪，往往思之於無窮，豈不可惜！」斯言也，余悔知之已晚。余在名場垂六十年，四方投贈之詩，不下萬首，多糊屋壁，題「詩世界」三字以顏之。不數年，盡皆剝蝕，因之自悔。想學巢民先生付之剝蝕，又苦無力，乃選其詩之最佳者，梓而存之，號曰續同人集。其已附集中及詩話者，俱不錄。

續同人集分類總目

過訪類

宴集類

寄懷類

告存類

題圖類

慶賀類

閨秀類

投贈類

放燈類

和韻類

生挽類

送行留別類

答謝類

文類

續同人集姓氏目錄

過訪類

何承燕	金紹鵬	張舟	李廷敬	俞葆寅	李棠	盛復春	慶蘭	王友亮	王昶	張堅
吳蔚光	嵇承謙	趙翼	陳兆鯨	洪禮	范起鳳	管松年	陳熙	汪雲根	李因培	趙履上
徐燁	李斗	徐溥	周桂昌	沈榮岱	王世釗	曹夢芳	劉辰煥	邵辰	夏之蓉	袁梓
余旻	林鏞	李慶芸	沈克勤	浦翔春	邵玘	湯擴祖	史弁昂	林良銓	彭豐	黃之紀
										二首
喬汝霖	張汝霖	陳道正	張道正	楊夢符	俞瀚	程晉芳	儲國鈞	吳錫麟	宋樹穀	

隨園續同人集 過訪類

白門有隨園，創自吳氏。余少時往遊其間，興廢不一。近爲簡齋先生所得，益修治之，依林麓高下，以爲亭池臺榭，曲折深幽，愈轉愈勝。先生以名太史，作令來金陵，異政彰聞，民咸德之。以丁外艱，遂脫冠隱此。雖一水一石，皆具千巖萬壑之奇。昔馬遷遊歷名區，欲以山水助文心，而先生小住此園，又以文心幻山水，余喜復遊其地，讀先生自爲記，竊有感夫人與地之相得而益彰者，敬呈一詩。

張堅

天地有奇境，留待幽人闢。滄桑不在大，廢興與今昔。白下小桃源，地鄰謝公宅。吾少日過此，入門嫌徑窄。邱壑一自盡，藁莽未全杳。瞬息四十年，園林數主易。今聞高賢居，扶杖欣曠屐。別開一洞天，仙境塵凡隔。選勝踞峯嶺，小樓高百尺。江白遠浮天，鐘山青可摘。巖廊宛轉通，匠心獨

劃壁。次第四時花，鳴禽話朝夕。世人空淺淺，良辰盡虛擲。我公獨不然，買山錢不惜。本時神仙侶，偶向人間謫。登眺翠鶴隨，博古鼎彝列。清嘯入蒼雲，几几明赤舄。憬然我有悟，仰天笑咤咤。從古無地靈，只要有人傑。

隨園絕句

趙履上

一林花木罩新烟，曲水平岡別有天。鶴到此間真自在，不知避客只知眠。板橋勾匠徑彎環，倚檻天桃信手攀。花片隨風吹歷亂，可知流不到人間。春色深時豔畫廊，鼠姑開傍假山旁。迎風似向簾前拜，欲乞清平第四章。

小倉山房卽景賦贈主人

袁梓

百卉含芳繞綉甃，綠雲深處一峯橫。浮來水曲鷗相狎，聽慣鈴聲鹿不驚。窗外山高人影小，門前村近牧歌清。松關不拒春遊客，白下兒童盡識名。

隨園遺興二首

黃之紀

鏡水稽山畫不成，樓臺面面總空明。爲山卽是爲文意，滿幅曾無一筆平。東風吹水漸消冰，倒影樓臺蕩幾層。魚似有情浮水面，夜深偷看讀書燈。

隨園夜坐

前人

隨園基址近吾廬，早晚頻過步履舒。到館只經三里地，入山已讀五年書。花中柱礎時生潤，烟裏樓臺總在虛。我欲移家來左右，無由從願竟何如！紅草亭中罷釣竿，漫空烟影淡林樾。好花每喜銜杯賞，明月還思滅燭看。樹有烏啼栖未穩，山無犬吠夢俱安。夜來筆硯微生潤，寫就新吟墨未乾。日長書卷幾曾離，向晚攜將涼處披。蛛解避人收網速，鳥知貪月入巢遲。偷閒每就山間榻，不寐長成枕上詩。吟罷自憐還自負，問誰如我得良師。

重過簡齋先生隨園

宋樹穀

名園半月再經過，水閣垂簾瑟瑟波。修竹滿山秋意

早，高梧臨檻雨聲多。談經每使人頤解，脫帽應羞我鬢皤。何事尊前動鄉思，溪橋渾似舊巖阿。

同陶衡川李晴洲嚴東友過隨園

王昶

城南城北鳴鳩飛，經旬苦雨如塵微。僧齋寥寂掩關臥，綠苔被徑行蹤稀。隨園咫尺不得往，預恐積水淹春衣。朝來層陰忽開霽，快臨桑屐趨荆扉。重樓突兀俯烟莽，小檻宛轉沿蘆埼。疏籬幾曲芳樵繞，短約三板長松圍。奧如曠如各有態，園林如此人間稀。主人夙是香案吏，雅才百五遙相睎。高名合沓動寥廓，長句噴薄迴珠璣。三年臥閣理花縣，使買邱壑辭塵纓。鳳凰嶺敦暑祕笈，牙籤錦囊充書幃。江湖逸客共談藝，時理研墨調冰徽。嚴園詩老昔傳述，令我悵望同調饒。茲辰榮躋慰夙抱，況有勝侶同元章。篠簜側帽足幽賞，藤牀企脚堪忘機。櫻桃躑躅雖稍謝，漸見楚尾增芳菲。安得山廊最深處，日夕吟眺無乖違。獨愁茶晏尚未已，金烏隱隱澄餘輝。綠陰回首不忍別，春雲杳靄生寒霏。

秋日過訪隨園前輩有作 李因培

未歸還泛宅，小住石頭城。高閣夕陽外，長天秋水橫。
簾門容放鶴，伐木愛鳴鶯。莫作林泉癖，中牟舊有聲。松
菊歸元亮，文章妙總持。山藏千古業，地數六朝遺。花館烏
皮几，溪橋白接羅。因君發幽興，擬是習家池。翠微亭子
下，避暑訪遺宮。古寺荒碑盡，閒門野草叢。穿雲看屋角，出
樹指房櫺。坐對幽人久，青天送晚鴻。江南遊歷遍，復此
辟疆園。明府方吟嘯，清流共討論。文驚才藻麗，語愛口瀾
翻。記取相逢日，秋風白下門。

過簡齋同年隨園賦贈

夏之卷

餘杭才子神仙姿，標奇倏然脫凡滓。南屏石姥看已
厭，來向江南弄烟水。抽簪早及黑頭時，同年纔踰三十耳。
遺榮勇退古所難，高懷直挹天隨子。卜居遠在鍾山麓，手
闢名園信婦美。蘭亭梓澤未許過，百里清光收掌指。行春
徑，墨花冥冥需雅亭。前石齒齒疏林雨，過籬燕飛曲沼風。
吹荷葉起，主人綸巾坐小閣。插架縱橫列書史，無官可守

真得閒，有酒頻傾還白喜。只今心跡兩清絕，俯視浮名同
敝屣。不須更覓輞川莊，長此拍浮良足矣。十五年前一相
識，君馬向南我向北。謁來白下得重逢，未辨此身誰主客。
劇憐邂逅眼猶青，差喜龍鍾髮尚黑。五千卷未貯胸中，公
然直入崔嵬室。盤盤曲磴莽孤突，隱隱橫橋漾空碧。盈塔
秀色坐可攬，拂檻嵐光淨如拭。恍疑置我巖壑裏，欲倩龍
眠圖水墨。迴思舊雨等沙搏，笑看野鳥爭鼠嚇。人生歲月
能幾何？過眼繁華同一擲。但遣畫手著瀟湘，莫恨詩名折
官職。當年車笠舊有盟，此日夔軼還共惜。烟邱一埒百平
分，我亦浮家來泛宅。

冒雨尋柳谷題贈簡齋先生 彭啓豐

春深多積雨，雲護小倉山。綠柳遮溪谷，碧桃滿路灣。
陶公歸里早，庾信卜居閒。踏濕尋三徑，匆匆著屐還。疏
鑿窮幽勝，高低見化工。引泉流蕩漾，疊石綴玲瓏。循檻週
環轉，登樓眺闕空。棲霞疑在戶，春雨襲淙淙。買山酬價
值，拓地構園林。文譙偶然集，麀氛自不侵。烟雲疑望遠，花
月寄情深。喬木成佳蔭，鳴禽多好音。軒几俱幽覩，琳瑯

滿目陳逸情耽古癖雅尚與時新。峯挹清涼秀花迎穀雨春。桃源雖在此不是避秦人。

乙巳冬過隨園奉訪簡齋前輩

吳錫麒

瀟灑名園最清涼一徑通。門開黃葉裏塔倚夕陽中。泉石娛仙春文章重寓公。笑談在滿座未要下簾櫳。如此遂初早於今四十年。青山看六代白髮領羣賢。業以千秋重棋爭一著先。愧余面笑客相對轉茫然。

過隨園呈簡齋先生

王友亮

迂跡孤蒲久自憐。倏披雲霧覩青天。推袁到處人如市。御李今朝我即仙。高論正宜攜白羽。賞音翻愧乏朱絃。齒牙餘慧從公乞。悔不攜衣早十年。北山小築傍烟霞。廿載投閒譽未華。海岳豪情惟拜石。河陽餘事到栽花。忘機只許鷗同狎。避俗還將鶴共誇。留得甘棠與誦在。野人爭識使君家。山色當樓月滿簾。森森插架見精嚴。芸香深護三重錦。花影紛披十樣籤。奇字識多元是癖。好書收

盡恐非廉。從今居近春明里。借讀頻來定不嫌。入海求詩不厭深。肯爲俗手度金針。彈珠深得羞餘爪。鴛錦裁成見苦心。野史亭應輸妙格。王官谷好嗣清音。瑟居長夏都無事。盥手焚香百遍吟。

春日奉謁隨園夫子呈長句一首

汪雲根

春鳥鳴鳴。春田人于于。我行無伴侶。樂此春陽敷。登高訪幽躅。入徑路縈紆。應門者誰子。言和色以愉。主人晨未興。高閣聊可娛。聞言發心賞。憑闌意境舒。竹樹茂千章。流水宛一區。中間雜亭榭。綰染如畫圖。嗟予一下士。十年老振蕩。動爲妻孥迫。不惜顏面輸。袖刺常濕漫。足行每踟躕。屢遭嘲者呵。低眉瞋路隅。是間容小住。不以勢利拘。昔聞君賞僕。今見類十奴。乃知我公賢。汲引良非誣。坐我春風裏。幾載容濫竽。牛溲及馬勃。詎可參苓俱。心感願更賒。意攀詞不諛。所望一顧問。策此下乘駕。

辛卯八月訪隨園先生不遇邵辰煥

十里桂松陰，幽居不易尋。雲光衣上落，山色院中深。
坐聽風泉響，清疑鸞鳳音。存登不可見，誰與撫鳴琴？

雪後訪存齋先生不值

林良銓

高閣層山起，方塘一澗通。花隨廊曲折，樹繞檻西東。
客過疏籬外，禽窺夕照中。武陵詢地主，金谷問園童。採藥
人難去，尋源興未窮。心懸元伯遠，情共季方同。預約他年
我，應知此際公。芙蓉新綻候，沉醉碧荷筒。

過小倉山訪主人不值

儲國鈞

竹樹影叢密，岡巒似畫圖。主人本仙吏，結屋在清都。
詎敢門題鳳，還疑鳥化烏。元言不相接，何以當登蘇？

余秋間重過白下適簡齋杭州未

歸不獲再一握手別後却寄

慶蘭

返棹重停白下舟，欲親笑語故遲留。與君握手差三

日；爲我還山負九秋。不晤爭如相見好，重離難補十年愁。
此情竟被風吹斷，淚似江流那肯收？

壬寅春日，至隨園值存齋夫子遊

浙東未歸

陳熙

老愛尋山健可知，還憑遊躅慰離思。亭前問字車空
到，園裏看花屐懶移。記我姓名憐舊僕，念公眠食問佳兒。
緘書欲附雙飛翼，台宕雲深鶴去遲。

新歲謁簡齋先生

劉夢芳

隨園形勝儼蓬萊，中有人藏命世才。閉戶徑添新長
竹，著書窗老舊栽梅。時多車馬敲門至，知是公卿問字來。
林壑幽深春似海，瞻依幾度首重回。

甲辰暮春訪簡齋太史未遇隨園

留飲十二韻

史亦昂

綠竹脩疏處，幽人室在焉。入門穿徑曲，拾級到堂前。
結構依巖壑，圖書雜簡編。造廬人已遠，款客嫂能賢。庖屋

調珍味；茶鑪起澹烟。洵稱安樂地；最喜蔚藍天。坐久忘喧
矣；銜開更曠然。山高峰鬱鬱；池曲水涓涓。墮影疑眸迴；禽
聲到耳便。軒窗無俗韻；城市有林泉。濟勝君猶健；年衰我
自憐。此來天作合；欲去且留連。

兩過隨園值主人北上

程晉芳

清華水木抱幽居；曾記題襟瀟灑餘。野鶴不禁深夜
怨；青燈猶照滿樓書。半巖香散寒梅折；別岸鐘鳴暮雨疏。
遠出豈應同小草；故山回首意何如？

奉謁隨園先生不值

盛復春

省訪名園今復遊；石橋三過一登樓。喜看好句懸高
壁；不見仙人在上頭。塔影遠標支鵲觀；柳絲低拂采蓮舟。
遙山若問留題客；姓氏曾通十五秋。

秋晚過隨園適夫子有雲臺之遊

管松年

門外空停問字車；秋齋人去玉窗虛。暫離左右時繁

夢；要訊平安孰寄書？勝具常誇腰腳健；客途未覺笑談疎。
也知禽向非無伴；攜手林泉得所於。

過隨園有懷夫子

曹世釗

深林蒼翠飽烟霞；門巷蕭疏一徑斜。招飲客來同鬪
酒；尋春人去未還家。碧於山色簾前水；紅到殘陽橋畔花。
惆悵分題吟未穩；催人歸去柳啼鴉。

自巢縣到金陵訪隨園先生不值

題詩奉寄

湯擴祖

入逕先看竹；登樓更見山。板橋朱檻外；鳥語綠陰間。
地縮西湖小；詩吟東閣閒。相尋不相見；新水聽潺潺。

奉訪簡齋太史留宿隨園

俞瀚

難爲分手去；一榻臥清秋。人老情偏重；燈殘語未休。
山催雲入夢；天放月登樓。悟得閒中樂；萍蹤不可留。

甲午仲秋重過白下宿隨園

李棠

舊愛園林好，經年喜再過。雖衰猶矍鑠，此爲忍踐跼。
未覺童心減，空餘鬢髮多。故人情似海，留我住烟蘿。
謝公門下十今日，剩何人武說嫺嫺。貴文傳屈宋，新開中消
歲月夢。聚星辰，獨抱荒莊愧。年年原憲貧。家貧強作
客，歸思苦難禁。已是秋風候，難留野鶴心。老知離別重，涼
桂水雲深。苦向山靈問，何時更相尋。

十月四日叩隨園夫子遊羅浮未

返宿齋中作

范起鳳

一夕留清夢，人間萬事非。波濤千樹湧，風雨四山圍。
主作羅浮夢，人敲白板扉。似聞猿鶴怨，杖履幾時歸。

蒙簡齋先生留宿供梅滿室置身

衆香國中得詩二韻

王岱

香南雪北淨無埃，姑射紛紛倚玉臺。入座漸非大弟
子，爭禁滿室散花來。

過隨園呈簡齋夫子

卨 玘

長江天塹隔蓬瀛，引領師門歲月更。白首幸逢今哲
匠，絳帷甯拒老門生。手披古簡丹黃校，賦遂初衣猿鶴迎。
笑我倦遊耽抱壘，廿年不到佛狸城。

奉呈簡齋先生

楊夢符

半生夢寐隨公住，竟到江流渡白門。一樹疏梅當岫
影，千竿新綠上衣痕。屈卿此轅路甘隱，負汝多年膝自捫。
袞袞雲霄堪一笑，任他臺省不須論。

訪隨園先生

余葆寅

先生曠世才，沉酣稽典籍。早歲觀楓宸，玉堂留履迹。
久懷惠愛心，彈琴溥膏澤。故鄉聞化理，仰止匪朝夕。中年
耽閒梅，隨園喜幽僻。繞逕竹陰陰，入門天宇開。飛樓架層
樓，循廊啓奧宅。芸籤插古書，雜玩布瑤席。灣環局倍新，敞
豁意彌適。每逢異境藏，疑有纖雲隔。我來正春風，繁香沁
詩魄。山色含淺深，花光間紅白。鳴鶴倚蒼苔，孤亭占危石。
橋低跨澗流，塔遠窺林隙。憑欄望不窮，小艇灩空碧。一棹
一遲回，屢顧屢珍惜。髣髴遇桃源，問津無俗客。

前題

洪禮吉

卜居花縣愜初衷，早結茅齋署老翁。文酒萬三千日足，籬櫺二十五房通。園情偶作桃根詠，鄉夢偏愁蘇小同。戊榜賢名位盛，先生一笑付春風。

重詣隨園奉簡齋老同年 沈榮昌

誰把隨園擬故園，客來不速已三番。寒花待臘無殘意，好鳥依林作舊言。松徑依稀重改築，荷塘曲折已逢源。淹留竟日頻諄囑，老矣無嫌聚首繁。

呈簡齋太史

浦翔春

天許移家作散仙，六朝花月靜中緣。花開鐘阜聯吟屐，月滿秦淮上酒船。當代才名追太白，平生風骨類樊川。自慚海角孤盧士，仰止情深已廿年。

前題

張道正

隨園地僻遂幽居，鹿綢離來好著書。自有文章映班

馬不妨居處狎樵漁，置身百尺層樓上。放眼千秋一笑餘，門下青雲多少士，可容末學掃庭除。

初至隨園

李廷敬

平開詞賦動江關，短翼飛來幸及攀。不信松喬居海上，能移蓬閣到人間。雄文競以星雲比，續集新收楚越還。四十年來花下隱，能消清福是能閒。

再至隨園

前人

曉禽喧竹樹，花下敞雙扉。徑曲雕闌引，亭高翠嶺圍。泉聲新雨漲，鶴語片雲歸。一笑山人出，高眠與世違。

呈簡齋太史

陳兆鯨

謫仙又見李長庚，天與才華薄海傾。館閣公卿都執贊，江淮草木盡知名。論窮六合驚神鬼，詩溯三唐重性情。老臥東山真有福，肯將羅薛易簪纓。

新年返里走謁簡齋先生 周之桂

別公數月抵千霜，每誦公詩對客狂。一笑身如春燕
子，銜泥今日始升堂。正是新陽律換機，紛紛玉戲滿樓
臺。天公有意儂猜著，教補程門立雪來。

呈簡齋先生

沈克勤

名比春雷動，聲聞到處同。九州一詩老，三島幾仙翁。
宦海抽身早，詞壇敵手空。聰明兼福壽，談笑逮兒童。結屋
清涼境，全家圖畫中。六橋臺榭傲兩岸，水雲通。竹映開樽
綠，花飛繞袖紅。陶潛愛籬畔，庚信寄江東。五嶽遊幾遍，頻
年記未終。舟車忙晚歲，杖履化春風。門更滋桃李，林無棄
稊種。羨人親白傅，遲我識韓公。仰止倉山近，疑瞻太華崇。
搢衣漸下十投刺，遂恐衷。敢謂經能執，聊如石待雙。荏擢
真率爾，小技學雕蟲。

同張廉船謁簡齋太史不遇 陳蔚

絳紗待立半清流，謝傅園林近莫愁。早副盛名過白
燕，能消清福卽丹邱。三唐讀遍無摹倣，五嶽歸來更漫遊。
同甫心胸開萬古，不徒壇坫占千秋。

與陳豹章同作

張舟

野鶴閒雲七十身，一邱一壑見精神。集中長慶多新
作，朝裏貞元少舊人。白髮談詩牙吐慧，朱顏頹曲眼生春。
天風浩蕩江湖闊，容得神仙賀季真。

過隨園題壁

趙翼

名園欲訪屢愆期，到及梅花正滿枝。惟恐長爲門外
客，特來親賦畫中詩。林亭曲折文人筆，牆壁淋漓幼婦詞。
名滿九州身一壑，翻川莊遂屬王維。結構憑何粉本摹，
危欄絕磴路盤紆。客迴巧作東西峴，水復流爲裏外湖。喬
木十圍人共老，名山一席客爭趨。問渠何福能消受，四十
年來住畫圖。

春日同人遊隨園

徐溥

不識隨園數訪尋，那知城市卽山林。晴霞歷亂迷花
徑，彩翠空濛斂夕陰。負郭有田堪荷未，折腰何事竟軸簪。
池塘入夢憐春草，千古誰酬白雪吟。歸屐登臨肯未輕。

翠微深處有雲亭。引將流水侵衣碧；放入春山滿眼青。暇日吟詩追北郭；清宵和月夢西泠。六橋花柳原如此；偏借樓霞勒座銘。

遊隨園雜詠選七首

李廣芸

小倉山房

几有金軫琴，座有玉柄塵。曉起捲簾鉤，花霧濃於雨。書倉

擁書擬百城，積卷誇二酉。若是宋龍圖，當沽一甌酒。

金石藏

錦贖硬黃搗，銀錠捶痕細。風過墨花香，吹度花深際。

蔚藍天

泉石碧翁翁，都在窗中列。短塔影如針，挂向青山缺。

玻璃世界

紙醉復金迷，虛空著五色。應得水精奴，灑掃冰花國。

柳谷

景穠麴塵波，搖出傷秋意。爲舞春風多，長條垂到地。

蓮沼

風約綠萍開，倒浸雲羅濕。款款紅蜻蜓，飛上藕花立。

前題選八首

張汝霖

小倉山房

魚忘在江湖，子宜置邱壑。誰將淮南山，移入建康郭？歲月俄已深，梅花自開落。

南樓

客來還登樓，客去即懸榻。祇有西山青，日夕許排闥。酒醒月臥闌，含情貯天末。

竹請客

投鄰容竟詣，掃徑況相迎。柴門故人至，娟娟清風生。請迴熟客駕，珍此歲寒盟。

判花軒

休誇山可移，但恐笑成粲。家居廉讓間，人分點疑半。花還問主人，何以了公案？

觀顰書屋

昨宵春雨寒，燈花爆書屋。曉聞西窗外，叱叱黃牛犢。屋上花枝紅，屋下秧水綠。

垂虹橋

陝南山悄然，幽禽自相語。山晴水亦香，花開不知處。春風忙於人，先過紅橋去。

梅亭

寒苔封樹根，孤鶴啄輒經。凭欄日何爲？手取三百種。收香抵責絹，仙人飽清俸。

山上草堂

無驚北山靈，且作東山臥。大山竹開高，小山草堂大。孤吟越倚樓，留客陳驚坐。

過隨園看芙蓉呈簡齋先生

金紹鵬

喜向蓬瀛謁謫仙，秋山景豔小陽天。鶴貪勝境忘行蹇，花放名園著色鮮。畫裏禽魚疑網水，望中松石抵平泉。公門豈但培桃李，栽植恩還到木蓮。九曲房櫺人武夷，軒窗面面嵌玻璃。到來身在冰壺裏，想見心如水鏡時。結構須知參意匠，玲瓏真似讀公詩。芙蓉萬本瓊樓外，紅雪嶺山掩映宜。

謁隨園夫子賦呈二律

嵇承謙

環山深貯一園春，遠却巽然萬斛塵。好古只憑修綆汲，耐閒還與短檠親。閉關日涉都成趣，落筆詩成倍有神。此樂可爲知者道，踵門未厭舊門人。

前題

李斗

山路嶙峋夾薜蘿，虬龍樹石共婆娑。紅樓有影都堪畫，碧水無聲却似歌。才語定知千古少，宦情應悔十年多。我曾遊遍南朝寺，躡步雲霞記一過。

謁隨園夫子

林鎬

半世心頭結願偕，門牆未座已容排。敢愁觀海難爲水，妄想升天竟可階。載酒喜聞新月旦，看花偷識老風懷。束脩只費山妻力，手剪紅雲製兩鞋。秋陽炙背亂峯遙，問字元亭第一遭。但見竹林關路口，豈知花墅在山腰。乍穿小徑疑尋壑，欲上長廊誤過橋。聞說先生新浴罷，本來浴佛是今朝。

前題

喬 普

蓋代才名海宇傳，逢迎婦孺亦欣然。能兼福慧前生佛，舊住蓬萊上界仙。誰校丹青三萬軸，縱橫今古數千年。詩才文品千秋事，獨闢町畦證妙詮。尙憶高軒過海隅，龍門未敢效鸞趨。聲華與貴浮筠玉，性體圓靈記事珠。香草重蒙恩擬拾，瑤漿天斗任傾劑。凡材從此登仙界，換骨金丹惠我無。

前題

何承燕

卜築因天巧，藩籬借白雲。虛廊秋寂寂，寒翠暮紛紛。秀石孤亭聚，垂虹一水分。後堂施絳帳，絲竹幾人聞。小艇藏於壑，裝成舴艋輕。一灣通詰曲，雙槳蕩空明。風暖當花卷，茶香待月生。鵝兒最馴狎，避棹不無情。谷口涼颼發，前山月上時。梯空行閣道，緩步拂花枝。地僻精廬近，名高過客知。買絲真有願，已是十年遲。

前題 鵲踏枝

吳蔚光

伊軋盤輿衝雨去，老樹荒溝，畫出新秋趣。一帶籬門，何氏住，牽牛木樨花齊吐。我已曾來三五度，野客溪橋，只覺無多路。山畔白雲如溼絮，隨園就在雲深處。

泊舟金陵謁隨園夫子

徐 燦

金陵爲泊廣陵船，迂道來過薄暮天。屈曲小倉山下路，幾峯遮斷幾峯連。謝公去後得公居，四十年來此結廬。怪道門前多隙地，好容問字客停車。曉來乘興踏烟，綠芳草藤蘿露未乾。多謝畦丁掃紅雨，引僕穿篁指僕看。

前題

前人

一別倉山漫五年，梨花折柳記從前。今朝問字車停處，剛值程門小雪花。登堂猶喜健如初，鳩杖從來不用扶。一事當頭先告我，劉郎別去絳幃孤。

西湖訪簡齋先生

李天英

截湖小舫穿飛棹，微風吹浪翻新荷。積雨初歇瑤瑤寺，衆山擁髻如湘娥。手攜橫卷訪佳客，圖中煙雨背相摩。

楊柳遮門不知處，但聞黃栗當風歌。十年文采照南國，一匹霧練懸秋河。淨洗六朝箏笛耳，獨絃一揮羣音和。齊門漁父竊自哂，投効歸去同流波。竭來湖上尋古調，仙兔逐鶯飛烟蘿。短刺漫減置小閣，姓名不辨知誰何。夜窗展卷應大笑，故人相遇何其多！

過隨園有懷舊遊呈簡齋先生

劉夢芳

憶竹此地得追陪，勝會生平第一回。幾部笙歌花世界，滿山燈火夜樓臺。醉看巖壑明如畫，樂及禽魚靜不猜。興極還登最高處，上攀星斗共徘徊。

遊隨園書奉簡齋先生

莊宇達

五雲深處住浮邱，耳熟今纔與目謀。自有蔣生關三徑，不教劉傅占千秋。林嵐獨絕開青眼，福慧雙兼到白頭。如此蓬壺在几席，怪公頻歲出山遊。西冷撰屨憶蕭辰，三載離懷此日申。現出廬山真面目，總緣滌國好精神。竊東硯北都如畫，腕底胸中盡是春。我欲徑翻歐九案，窮愁

那得例詩人？

喜晤隨園先生

伊湯安

太史文名一世豪，倉山重訪不辭勞。蜿蜒曲徑藏幽谷，已見先生邱壑高。滄海茫茫那測深，得公一字重南金。竭來閨閣皆桃李，豈獨春風遍士林？名在他年高士傳，園勝昔日輞川圖。天然仙境容消受，清福如斯絕代無。

己酉秋謁隨園先生

李仙枝

吁嗟乎！王喬豈得遇？赤松難從遊。我聞方丈與瀛洲，其境縹緲非人世。徒然幻結空中樓，卓哉唐韓子所言識名理。神仙雖然有傳說，智者盡知其妄矣。先生早年登甲科，石渠聲譽滿京華。九精照耀胸羅宿，五色紛披筆底霞。金陵名勝壓江左，江山雄秀雲烟鎖。大隱金門是謫仙，翰林外授無不可。東山絲竹日歡娛，此地清涼足耐居。修竹名花相倚藉，高樓倚閣跨空虛。名驚海內文章老，多士奔趨履周道。愛客常看倒屣迎，度人自有金針好。嗟予無所可用如朽樗，粗石敢望成瓊琚。大匠洪爐無廢器，死草尚